

SCRIPT OF EVENING GOJRI NEWS BULLETIN 28JUNE 1700 HRS

ایونینگ گو جری نیو ز بلیٹن مو رخہ 28 جون 2025

یوہ آکا شوانی جموں بے نصرت تے گلام سرور تیں خبر سُنو۔

HEADLINES

۱۔ وزیراعظم نریندر مودی نے اج کہیو کہ بھارت ہزاراں سالوں تیں اپنا لازوال نظریات فلسفہ تے حکومت کی وجہ تیں لازوال ہے تے قوم نانہ نو آبادیتی سوچ تیں نجات دین ور زور دتو۔

۲۔ وزیر اعلیٰ عمر عبداللہ نے اج مشن یووا غو آغاز کیو جہڑو جموں کشمیر مانہ کاروباری موقع بدھان واسطے ایک بصیرت افروز پہل ہے۔

۳۔ ادھمپور ضلع غا بسنت گڑھ غا جنگلاتی علاقہ مانہ پاکستان مانہ مقیم جیش محمد غا دبشت گرداں ناہ مار مکان بارے تلاشی کاروائی اج تیجے روز وی جاری ہے۔

۴۔ پارلیمان غی قائمہ کمیٹی برائے عملہ عوامی شکایات قانون و انصاف غا ایک وفد نے اج سری ماتا ویشنو دیوی غی مقدس گفا غو دورو کیو۔

۵۔ جموں کشمیر غا 5 بلاکاں نے زبردست کامیابی حاصل کرتا واں سر فہرست 15 بلاکاں مانہ اپنی جگہ بنالی ہے۔

PM HERITAGE

وزیراعظم نریندر مودی نے اج کہیو کہ بھارت ہزاراں سالوں تیں اپنا لازوال نظریات فلسفہ تے حکومت کی وجہ تیں لازوال ہے نویں دہلی مانہ آچاریہ وریا نندجی مہاراج غا صد سالہ تقریبات کی افتتاح کرتا واں وزیر اعظم نے کہیو کہ بھارت دنیا کی سب تیں پرانی زندہ تہذیب ہے تے اس لازوال فلسفہ غا ذریعہ ملک غا بزرگ باباؤں سنتوں تے آچاریوں مانہ پایو جے جناب مودی غو کہنو تھو کہ قوم کی ترقی تے وزائت نانہ اپناتاواں اگے بدھنو چاہیے انہاں نے کہیو کہ اس عزم گینال حکومت ملک کی ثقافتی مقامات زیارت گاہوں نانہ وی ترقی دے رہیو ہے۔ وزیر اعظم نے مزید اس طرح کہیو۔

CM MISSION YUVA

نوجوانان نانہ باختیار بنان تے روز گار غا مواقع پیدا کرن سمیت ایک اہم قدم چاتا واں وزیر اعلیٰ عمر عبداللہ نیاج ایس خے آئی سیس سی سرینگر مانہ مشن یووا غو آغاز براہ راست نشریات غے زریعے کیو اس موقعور مرکزی وزیر انتظام گا نوجوانان نے جوش و خروش تیں ذاتی طور ور تے لائیو طریقہ سنگ شرکت کی۔ وزیر اعلیٰ غ ادفتر غی جانب تیں سماجی ذرائع ابلاغ ور دسیو کگیو کہ وزیر اعلیٰ عمر عبداللہ نے اج مشن یووا غو آغاز کیو جہڑو جموں کشمیر مانہ کاروباری موقع بدھان واسطے ایک بصیرت افروز پہل ہے اس منصوبہ غو مقصد 5 سال مانہ 1.37 لکھ نوا کاروبار قائم کرنا ہیں تے 4.25 لکھ روز گار گا مواقع پیدا کرنا ہیں اس موقع ور ذرائع ابلاغ سنگ گل کرتا واں وزیر صحت سکینہ اتو نے اس طرح کہیو۔

SEARCH OP

ادھمپور ضلع غا بسنت گڑھ غا جنگلاتی علاقہ مانہہ پاکستان مانہہ مقیم جیش محمد
 3 دہشت گردان غی تلاشی کاروائی اج تیجے روز وی جاری ہے اس سلسلہ مانہہ کیرہ بندی
 تے تلاش کاروائی حفاظتی دستاں کی سانجی ٹیم کی طرفوں کی جارہیے تاہم اس طرح
 جمعرات نانہہ جیش محمد گا ایک دہشت گرد نانہہ حفاظتی دستاں کی طرفوں مار دتو گیو تھو
 تے باقی 3 بسنت گڑھ ہیلت غا جنگلاتی علاقہ مانہہ بسپا وی ہے کیرہ بندی تے تلاشی
 کاروائی نانہہ مزید بداتاں واں حفاظتی دستاں کی سانجی ٹیم نے اج سویرے ڈرونا تے کھوجی
 کتاں کی مدد سنگ تلاشی کاروائی جاری کی تے اس طرح کیرہ بندی مانہہ اضافو کرگے ان
 دہشت گردان نانہہ مار مکان غی کوشش جاری ہے۔

LAKHANPUR SANJY

چند دنان بعد شروع ہون آلی سالانہ شری امرناتھ جی یاترا غے پیش نظر حکومت نے تمام
 انتظامات نانہہ حتمی شکل دے دتو ہے۔ لکھن پور جس نانہہ جموں کشمیر غو داخلہ دروازو
 منان۔ یاتریاں غا استقبال واسطے تیار ہے جت ایک جدید رسپشن مرکز بنایو گیو ہے جہیزو
 کہ خوبصورت دیواراں ور تصویری نقاشی تیں سچیو وی ہے۔ ان تصویری نقاشی مانہہ کشمیر
 غی خوبصورتی برف پہاڑ سر سبز وادی تے شری امرناتھ جی غا مقدس گار ور واقع شیو
 بھگوان غی جھلک دکھانی گئی ہے۔ بدلیاتی محکمہ لکھنپور غا چیف ایگزیکٹیو افسر ایس
 آر سانگرا نے دسیو کہ ان دیواراں غی تصویری نقاشی غو مقصد یاتریاں نانہہ اپنی طرف
 متوجہ کرنو ہے۔ انہاں نے مزید اس طرح کہیو۔

PM MKB

وزیر اعظم نریندر مو دی ملک تے بیرون ملک رہ رہیا بھارتی شہریاں سنگ آئندہ 29 جون
 نانہہ آکاش وانی ور من کی بات پروگرام مانہہ اپنا خیالات سانجہ کریں گایاہ ماہانہ ریڈیو
 پروگرام غی 123 ویں قسط وے غی۔ یوہ پروگرام آکاش وانی، دور درشن، اے آئی آر نیوز
 ویب سائٹ تے نیوز آن اینر مو بائل ایپ ور نشر تے ٹیلی کاسٹ کیو جائے گو۔ اس توں علا
 وہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات
 غی وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش
 وانی اس پروگرام غی بندی نشریات غے فوراً بعد اس نانہہ علاقائی زبانان مانہہ وی نشر
 کرے گو۔

PARL STANDING COMM

پارلیمان غی قائمہ کمیٹی برائے عملہ عوامی شکایات قانون و انصاف غا ایک وفد نے
 چنیرمینتے رکن پارلیمان برج لعل غی قیادت مانہہ اج شری ماتا ویشنو دیوی غو دورو کیو یوہ
 دورو خطہ مانہہ اہم عوامی خدمات تے انصاف فراہم کرن آلا اداراں غی کارکردگی غو جائیزو
 لین واسطے یوہ کمیٹی غا جائیزہ دورو غو حصو تھو۔ دورا غے دوران کمیٹی غا ارکان نے
 مقدس گپھا غا درشن کیا تے شری ماتا ویشنو دیوی شرانن بورڈ غی طرفوں یاتریاں واسطے
 فراہم کی جان آلی سہولیات غو جائیزو لیو وفد نے بورڈ غی جانب تیں یاتریاں غی سہولت
 واسطے مسلسل کی جان آلی کوششاں نانہہ سہرايو ذرائع ابلاغ سنگ خطاب کرتا واں
 پارلیمانی رکن برج لعل نے اس طرح کہیو۔

ABP

بھارتی حکومت غ اترقی پزیر بلاک پروگرام غے تحت جموں کشمیر غا پنج بلاک نے زبردست کامیابی حاصل کرتا واں ملک بھر گا تقریباً 500 بلاک وچوں سر فہرست 15 ماہہ اپنی جگہ بنالی ہے تازہ ترین کارکردگی غی درجہ بندی ماہہ ان علاقان مانہ نمایاں ترقیاتی پیش رفت نانہہ اُجاگر کیو گیو ہے جہیرو کہ زمینی سطح ور تبدیلی واسطے مرکزی انتظامیہ غی بھرپور کوششاں غو ثبوت ہے۔ پلوامہ غا اچھہ گوڑا بلاک نے مجموعی طور ور دوجو مقام حاصل کی وہے جدکہ بانڈی پورا غا تولیل بلاک نے 8 ووں پونچھ غا منکوٹ بلاک نے 9 ووں کپواڑی غا کیرن بلاک نے 10 ووں تے ریاسی غا ٹھاکرہ کوٹ بلاک نے 13 ووں مقام حاصل کیو ہے۔

RAJOURI GASTRO

راجوری ضلع غا سکری گراں ماہہ گیسٹرو غی بیماری پھوٹ پڑن تیں بعد کم از کم 18 افراد نانہہ گورنمنٹ میڈیکل کالج راجوری ماہہ داخل کرایو گیو ہے جد کہ درجناں افراد غو اعلاج موبائل میڈیکل ٹیم غے ذریعے گراں ماہہ ہی ہو رہیو ہے۔ ان مریضاں ماہہ وچوں دو غو خصوصی علاج گرداں غا ماہر ڈاکٹراں تیں مشورو واسطے جی ایم سی جموں منتقل کی وگیو ہے جد کہ 7 مریض ہن وی جی ایم سی غا متعلقہ اسپتال ماہہ زیر اعلاج ہیں۔ محکمہ صحت نے اس بیماری غی وجہ آلودہ پانی نانہہ قرار درو ہے کیونجے قدرتی آبی ذخائر تیں لیو گیو پانی غا نمونہ ماہہ ای کو لائی جراثیم پایا گیا ہیں۔ آکاشوانی غا خبراں آلا شعبہ سنگ گل کرتا واں راجوری سی ایم او ڈاکٹر منوہر لعل رانا نے اس طرح کہیو۔

WEATHER

محکمہ موسمیات کی طرفوں کشمیر صوبہ غ ائج مقامات ور ہلکی بارش تے گرج چمک نال بارش غا امکان دسیا گیا ہیں جد کہ جموں صوبہ غا کئی حصاں ماہہ ہلکی تے درمیانہ درجہ غی بارش تے گرج چمک کی پیشن گوئی کی گئی ہے تے گج مقامات ور 30 تیں 40 کلومیٹر کی گھنٹہ کی رفتار سنگ تیز ہوا چلن غا امکان وی ہیں دسیو گیو ہے کہ اس طرح زرعی سرگرمیاں 3 جولائی 2025 تیں دوبارہ شروع ہو سکیں گی اس سلسلہ ماہہ مزید جانکاری دیتا واں محکمہ موسمیات غا دفتر رام باغ سرینگر تے بھرم پال نے اس طرح کہیو۔
